

ქვეპროგრამის განაცხადის ფორმა

პროგრამის დასახელება, რის ფარგლებშიც ხორციელდება ქვეპროგრამა:

შეზღუდული შესაძლებლობის სტატუსის მქონე პირთა და ხანდაზმულთა უზრუნველყოფა დამხმარე საშუალებებით

ქვეპროგრამის კლასიფიკაციის კოდი:060701

ქვეპროგრამის დასახელება:სმენადაქვეითებულ მოქალაქეთა სმენის აპარატებით უზრუნველყოფა

ქვეპროგრამის განმახორციელებელი:აჭარის ავტონომიური რესპუბლიკის ჯანმრთელობისა და სოციალური დაცვის სამინისტრო

ქვეპროგრამის მთლიანი ბიუჯეტი:	
დასახელება	2025 წელი
ა/რ ბიუჯეტის საკუთარი შემოსავლები	267,900
სულ ბიუჯეტი:	267,900

ქვეპროგრამის მიზანი:სამიზნე ჯგუფის ფუნქციური დამოუკიდებლობის ხარისხის გაუმჯობესება და მისი საზოგადოებაში ინტეგრაციის ხელშეწყობა.

ქვეპროგრამის აღწერა:

ქვეპროგრამის სამიზნე ჯგუფს წარმოადგენს სხვადასხვა ხარისხის სმენადაქვეითებული/სმენაპროთეზირებული პირები, რომლებიც საჭიროებენ ქვეპროგრამით გათვალისწინებული დამხმარე საშუალებებით უზრუნველყოფას:

1. შშმ პირები (მათ შორის ბავშვები);

2. ნებისმიერი ხარისხის სმენადაქვეითებული ბავშვები;

3. ხანდაზმული (ქალები – 60 წლიდან, მამაკაცები – 65 წლიდან) პირები დიაგნოზით: ორმხრივი თანდაყოლილი ან შეძენილი სიყრუე ან სმენაჩლუნგობა II-III ხარისხის.

ქვეპროგრამის ფარგლებში ბენეფიციართა დაფინანსება განხორციელდება სოციალური ვაუჩერის მეშვეობით. მომსახურება დაფინანსდება ვაუჩერში მითითებული თანხით (ქვეპროგრამით გათვალისწინებული ტარიფი) სრულად. იმ შემთხვევაში, თუ ღირებულება აღემატება ქვეპროგრამით გათვალისწინებულ თანხას, სხვაობას გადაიხდის ბენეფიციარი. იმ შემთხვევაში, თუ ღირებულება ნაკლებია ქვეპროგრამით გათვალისწინებულზე, ანაზღაურება განხორციელდება ფაქტიური ღირებულების მიხედვით. ქვეპროგრამაში ჩართვა განხორციელდება მომართვიანობის მიხედვით მომსახურების მიღების უპირატესი უფლების დაცვით.

საბიუჯეტო წლის განმავლობაში ქვეპროგრამის ფარგლებში ერთ ბენეფიციარზე გაიცემა არაუმეტეს ერთი სმენის აპარატისა, გარდა 18 წლამდე ასაკის ბავშვებისა, ასევე 18 წლის და მეტი ასაკის მოსწავლე/სტუდენტებისა. შესაბამისი დასკვნის საფუძველზე მათ დაუფინანსდებათ ორი სმენის აპარატი. ამასთანავე, ქვეპროგრამის მომსახურებით მოქალაქეს შეუძლია ისარგებლოს ორ წელიწადში ერთხელ.

ვაუჩერის გაცემის საფუძველს წარმოადგენს:

- განცხადება;
- ქვეპროგრამის ბენეფიციარობის დამადასტურებელი საბუთი;
- პირადობის დამადასტურებელი მოწმობის ასლი ან სხვა დოკუმენტი, რომლითაც შესაძლებელია პირის იდენტიფიკაცია; 18 წლამდე ასაკის პირის შემთხვევაში კი - დაბადების მოწმობის ასლი და მშობლის პირადობის დამადასტურებელი მოწმობის ასლი ან სხვა დოკუმენტი, რომლითაც შესაძლებელია პირის იდენტიფიკაცია (კანონიერი წარმომადგენლის/მინდობით აღმზრდელის შემთხვევაში, ასევე კანონიერი წარმომადგენლობის/მინდობით აღმზრდელის დამადასტურებელი საბუთი);
- სმენის აპარატის დაფინანსების შემთხვევაში:
 - ა) ცნობა ჯანმრთელობის მდგომარეობის შესახებ - ფორმა №IV-100/ა, სადაც მითითებული უნდა იყოს შესაბამისი დიაგნოზი და სმენის აპარატის საჭიროება; მძიმე ხარისხის სმენადაქვეითებული ბენეფიციართათვის გათვალისწინებული სმენის აპარატის შემთხვევაში - სამედიცინო სოციალური ექსპერტიზის შემოწმების აქტი - ფორმა N IV-50/2;
 - ბ) აუდიოგრამა;
 - გ) სმენის აპარატის ღირებულების ანგარიშ-ფაქტურა;
- კოხლეარული იმპლანტის პროცესორის დაფინანსების შემთხვევაში:
 - ა) ცნობა ჯანმრთელობის მდგომარეობის შესახებ - ფორმა NIV- 100/ა ჩატარებული კოხლეარული იმპლანტაციის თაობაზე;
 - ბ) ცნობა პროცესორის არავარგისიანობის თაობაზე;
 - გ) პროცესორის ღირებულების ანგარიშ-ფაქტურა.

ქვეპროგრამის ფარგლებში ვაუჩერის გაცემისას უპირატესობა ენიჭებათ 18 წლამდე ასაკის ბავშვებსა და შეზღუდული შესაძლებლობის სტატუსის მქონე მოქალაქეებს.

ქვეპროგრამის ბენეფიციარები არიან:

- შეზღუდული შესაძლებლობის მქონე პირები, მათ შორის ბავშვები;
- მოქალაქეები, რომლებიც რეგისტრირებულნი არიან სოციალურად დაუცველი ოჯახების ერთიან მონაცემთა ბაზაში 0-დან 200 000-ის ჩათვლით სარეიტინგო ქულით;
- ომისა და სამხედრო ძალების ვეტერანები;
- პოლიტიკური რეპრესიის მსხვერპლი;
- თავშესაფარის კონტიგენტი.

ქვეპროგრამით გათვალისწინებული მომსახურებით ისარგებლებენ საქართველოს მოქალაქეები, რომლებიც 2025 წლის 1 იანვრის მდგომარეობით და ვაუჩერის გაცემის პერიოდისათვის უწყვეტად რეგისტრირებულნი არიან აჭარის ავტონომიური რესპუბლიკის ტერიტორიაზე. ასევე, იძულებით გადაადგილებული პირის სტატუსის მქონე მოქალაქეები, რომლებსაც დევნილის სტატუსის დამადასტურებელი დოკუმენტის მიხედვით რეგისტრაციის ადგილად უფიქსირდებათ აჭარის ავტონომიური რესპუბლიკის ტერიტორია. ამასთანავე, 18 წლამდე ასაკის პირის შემთხვევაში, 2025 წლის 1 იანვრის მდგომარეობით და ვაუჩერის გაცემის პერიოდისათვის ერთი-ერთი მშობელი მაინც უწყვეტადაა რეგისტრირებული აჭარის ავტონომიური რესპუბლიკის ტერიტორიაზე. წყვეტილობის არსებობის შემთხვევაში პირი არ უნდა იყოს რეგისტრირებული აჭარის ავტონომიური რესპუბლიკის ადმინისტრაციული ტერიტორიის გარეთ.

გამონაკლის შემთხვევებს, ქვეპროგრამის განხორციელების წესსა და მასთან დაკავშირებით გასატარებელ ღონისძიებებს განსაზღვრავს და ამტკიცებს აჭარის ავტონომიური რესპუბლიკის ჯანმრთელობისა და სოციალური დაცვის მინისტრი შესაბამისი ინდივიდუალურ-სამართლებრივი აქტით.

ქვეპროგრამის ფარგლებში გათვალისწინებული სმენის აპარატის ღირებულების ანაზღაურებისათვის განკუთვნილი ვაუჩერის დაფინანსების ლიმიტი სმენის აპარატის შესაბამისი სახეობების მიხედვით განისაზღვრა შემდეგი ცხრილის შესაბამისად:

დასახელება	პროგრამული კოდი	ერთეულის დაფინანსების ლიმიტი (ლარებით)
ციფრული სმენის აპარატი (ხანდაზმულები და შშმ პირები)	70101	350
ციფრული სმენის აპარატი მძიმე ხარისხის სმენადაქვეითების მქონე ბავშვის/მოსწავლის/სტუდენტისათვის	70102	1,400
პედიატრიული ციფრული სმენის აპარატი	70103	1,000
კოხლერული იმპლანტის პროცესორი	70104	19,000
სულ ქვეპროგრამის ბიუჯეტი		267,900

ქვეპროგრამის განხორციელების დროითი გეგმა

	1 კვარტალი	2 კვარტალი	3 კვარტალი	4 კვარტალი
მომსახურების მიმწოდებელი დაწესებულებების შერჩევა	X	X	X	X
მოქალაქეთა განცხადებების მიღება	X	X	X	X
წარმოდგენილი განცხადებების განხილვა	X	X	X	X
ვაუჩერების გაცემა	X	X	X	X

მომავალი წლის მოსალოდნელი შედეგი

სმენადაქვეითებულ მოქალაქეები უზრუნველყოფილია ქვეპროგრამით გათვალისწინებული დამხმარე საშუალებებით, მათი დამოუკიდებელი ცხოვრების ხარისხი და საზოგადოებაში ინტეგრაცია გაუმჯობესებულია.

ქვეპროგრამის შუალედური შედეგის ინდიკატორები

მოსალოდნელი შედეგი	შედეგის ინდიკატორები	გაზომვის ერთეული	მონაცემთა წყარო	სიხშირე	პასუხისმგებელი (საბიუჯეტო ორგანიზაცია)	მოგროვების მეთოდი
სმენადაქვეითებულ მოქალაქეები სმენის აპარატებით უზრუნველყოფილია, მათი დამოუკიდებელი ცხოვრების ხარისხი და საზოგადოებაში ინტეგრაცია გაუმჯობესებულია.	ბენეფიციართა ჩართულობის მაჩვენებელი	95%	აჭარის ავტონომიური რესპუბლიკის ჯანმრთელობისა და სოციალური დაცვის სამინისტროს სოციალური დაცვის დეპარტამენტი	წელიწადში ერთხელ	აჭარის ავტონომიური რესპუბლიკის ჯანმრთელობისა და სოციალური დაცვის სამინისტრო	აჭარის ავტონომიური რესპუბლიკის ჯანმრთელობისა და სოციალური დაცვის სამინისტროში შემოსული მოქალაქეთა განცხადებების ანალიზი